



六朝聲偶集目錄

卷之五

陳詩

陳後主 共三首

晚宴文思殿

隴頭

雨雪

徐陵 共十首

春日

山池應令

春晴

新亭送別應令

別毛永嘉

出自蒯北門行

詠舞

鬪雞

同江詹事

同江詹事登宮城南樓

詠日華

張正見

共四十首

和衡陽和夜作

賦得山卦名

玄圃觀春雪

星名從軍詩

公無渡河

游龍首城

征虜亭送新安王應令

秋日別庾正真

銅爵臺

從籍田應衡陽正教作

賦得落落窮巷士

從軍

二首

賦得日市朝滿

和諸葛覽從軍游獵

別韋諒賦得江湖汎別舟

與錢玄智汎舟

陪衡陽王游耆闍寺

游匡山簡寂館

賦得岸花臨水發

賦得威鳳栖梧桐

賦得魚躍水花生

釣竿篇

賦得雪映夜舟

賦新題得蘭生野逕

賦得垂柳映斜谿

賦得山中翠竹

賦得浦狹村烟度

春初賦得池應教

賦得秋河曙耿耿

賦得薄惟鑒明月

新雲

賦得白雲臨酒

賦得風生翠竹裏應教

應衡陽王教詠雪

陰鏗

共二十二首

間居對雨

渡青草湖

晚泊五洲

又夜發五洲

奉和登百花亭懷荆楚

登武昌岸望

和侯司空登樓望鄉

送始興王

江津送劉光及

廣陵岸送北使

班婕妤

西游咸陽中

和 晉陵傷妾

侯司空第山園詠妓

罷故鄣縣 新成安樂宮

門善寺 游巴陵空寺

游始興道館 詠雪裡梅

賦得夾池竹 觀釣

祖孫登 共五首 詠風

詠水 宮殿名登高臺

詠柳 賦得紫驢馬

徐湛

賦得班去趙姬升

劉刪 共五首 汎宮亭湖

侯司空第山園詠妓

採藥游名山 賦松上輕蘿

賦得馬

蕭詮 賦得夜猿啼

蕭有 射雉

劉邦

賦得獨鶴凌雲去

李爽 賦得芳樹

蘇子卿

南征

周弘正

看新婚

周弘直

共五首

賦得荆軻

賦得名都一何綺

和庾肩吾道館

學中早起聽講

入武關

沈炯

共三首

長安少年

從駕送軍

賦得邊馬有歸心

阮卓

共二首

蓮下游魚

風

楊縉

共二首

賦得荆軻

照帙秋螢

賀徹

賦得長笛吐清氣

何胥

賦得待詔金馬門

張正得

秋蟬咽柳應衡陽王教

褚玠

聞雞東郊道

釋惠標 共二首

詠山 二首

釋洪偃

游故苑

孔

賦得名都一何綺

蔡凝

賦得處處春雲生

杜之松

敬和衛尉于卿柳

六朝聲偶集五卷目錄終

六朝聲偶集卷之五

吳人徐獻忠選

陳詩

陳後主 共三首

晚宴文思殿

晚日落餘暉
宵園翠蓋飛
荷影侵池浪
雲色入山扉
螢光息復起
暗鳥去翻歸
樂極未言醉
杯深猶恨稀

隴頭

隴頭征戍客
寒多不識春
驚風起嘶馬
苦

霧雜飛塵投錢積石水歛響交河津四面
夕冰合萬里望佳人

雨雪

長城飛雪下邊關地籟吟濛濛九天暗霏
霏千里深樹冷月恒少山霧日偏沈况聽
南歸鴈切思胡笳音

徐陵 共十首

春日

岸烟起暮色岸水帶斜暉逕狹橫枝度簾
搖驚鷺飛落花承步履流澗寫行衣何殊

九芝蓋薄暮洞庭歸

山池應令

畫舸圖仙獸飛艫桂采旂榜人事金槩釣
女飾銀鈎細萍時帶檝低荷乍入舟
媛啼知谷晚蟬咽覺山秋

春情

風光今日動雪色故年殘薄衣迎新節當
爐却晚寒故香分細篆石炭擣輕紈竹葉
裁衣帶梅花奠酒盤年芳袖裏出春色黛
中安欲知迷下蔡先將過上蘭

新亭送別應令

鳳吹臨伊水時。駕出河梁野燎村。田黑江秋岸。荻黃隔城聞。上鼓迴舟隱去檣。神襟愛遠別。流涕極清漳。

別毛永嘉

願子厲清規。歸來振羽儀。嗟予今老病。此別恐長離。白馬君來哭。黃泉我詎知。徒勞脫寶劍。空挂隴頭枝。

出自薊北門行

薊北聊長望。黃昏心獨愁。燕山對古剎。代

郡倚城樓。屢戰橋恒斷。長冰漚不流。天雲如地陣。漢月帶胡秋。請土泥函谷。按繩縛涼洲。生平鸞領相。會自得封侯。

詠舞

十五屬平陽。因來入建章。主家能教舞。城中且巧粧。低鬟向綺席。舉袖拂花黃。燭送空邊影。衫傳篋裏香。當筵好留客。故作舞衣裳。

鬪雞

季子聊為戲。陳王欲聘才。花冠以衝力。金

爪復驚媒闥鳳羞衣錦雙鸞耻鏡臺陳倉
若有信。爲覓寶雞來。

同江詹事登宮城南樓

元良真上德。率土被中孚。漢幄朝無怠。
周門夕復趨。桓經既受業。賀拜且尊儒。
壯志諧風雅。高文會斗樞。鏗鏘叶舞蹈。
炤爛等琨瑜。溝水慙雄伯。漳川仰大巫。
鮑魚寧入俎。釣鱉匪充厨。叔譽恒詞屈。
防年豈濫誅。

詠日華

朝暉爛曲池。夕照滿西陂。復有當畫影江
上鑠光儀。時從高浪歇。乍逐細波移。一在
彫梁上。詎比扶桑枝。

張正見 共三十九首

和衡陽王秋夜作

睢苑涼風舉。章臺雲氣收。螢光連燭動。月
影帶河流。綠綺朱絃汎。黃花素蟻浮。高軒
揚麗藻。卽是賦新秋。

賦得山卦名

蓬萊遁羽客。巖穴轉雲歸。仙井暗霧

解石橋通。影帶臨峯鶴。形隨雜雨風。尋師
不失路。咸欲馭飛鴻。

玄圃觀春雪

同雲遙映嶺。瑞雪近浮空。拂鶴伊川上。飄
花桂苑中。影麗重輪月。飛隨團扇風。還取
長歌處。帶曲舞春風。

星名從軍詩

將軍定朔邊。刀斗出祁連。高柳橫遙塞。長
榆接遠天。井泉含凍竭。烽火映蕪然。欲知
客心斷。危旌萬里懸。

公無渡河

金堤分錦纜。白馬渡蓮舟。風嚴歌響絕。浪
涌傍人愁。擢折桃花水。颿橫竹箭流。何言
沉璧使。千載偶陽侯。

游龍首城

關外山川閣。城隅塵霧浮。白雲疑絕嶺。滄
波間斷洲。四面觀長薄。千里眺平丘。河津
無桂樹。樽酒自淹留。

征虜亭送新安王應令

鳳吹臨南浦。神駕餞東平。亭廻漳水乘。旃

轉洛濱。笙地凍。班輪響。風嚴羽蓋輕。燒田
雲色暗。古樹雪花明。岐路一回首。流襟動
睿情。

秋日別庾正真

征途愁轉旆。連騎慘停鑣。朔氣凌疎木。江
風送上潮。青雀離帆遠。朱鳶別路遙。唯有
當秋月。夜夜上河橋。

銅爵臺

荒涼銅雀晚。搖落墓田通。雲慘當歌日。松
吟欲舞風。人疏瑤席冷。曲罷蕙帷空。可惜
年將淚。俱盡望陵中。

從籍田應衡陽王教作五首

帝京惟赤縣。神居應紫微。塗山萬國仰。滄
海百川歸。東郊事平秩。仲月祀靈威。含光
開早扇。閭闔啓朝扉。

洛城鍾漏息。靈臺雲霧卷。森森虎戟前。藹
藹鸞旂轉。屬車游絳闕。風鳥度丹巘。帳殿
幸金輿。旌門擁玉輦。

玉輦帶非烟。金輿映綠川。雨師清遠路。風
伯靜遙天。分渠通沃野。激水入公田。草發

青壇外。花飛蒼玉前。

蒼玉臨珪璧。青壇躬帝籍。胃橄乃三推。齊

衡均百辟。蘭場儼芝駕。桂圃芳瑤席。山禽

韻管絃。野獸和鍾石。

鍾石既相和。江海復無波。梁客簪裾盛。陳

王文雅多。修塗參弱駘。喬木間輕蘿。幸承

溫吹末。擊壤自為歌。

賦得落落窮巷士

楊雲不邀名。原憲本遺榮。草長三徑合。花

發四鄰明。塵隨幽巷靜。嘯逐遠風清。門外

無車轍。自可絕公卿。

從軍

胡兵屯崩北。漢將起山西。故人輕百戰。聊

欲定三齊。風前寶畫角。雲上舞飛梯。鴈塞

秋聲遠。龍沙雲路迷。燕然自可勒。函谷詎

須泥。

又

將軍定朔邊。刁斗出祁連。高柳橫長塞。榆

關接遠天。井泉含陣竭。烽火映山然。欲知

客心斷旌旄。萬里懸。

賦得日中市朝滿

雲閣綺霧生。旗亭麗日明。塵飛三市路。蓋入九重城。竹菜當爐滿。桃花帶緩輕。唯見爭名利。安知大隱情。

和諸葛覽從軍遊獵

治兵耀武節。縱獵駭畿封。迅騎馳千里。高置起百重。騰麕斃馬足。飢鼯落劍鋒。雲根飛燒火。鳥道絕禽蹤。方羅四海俊。聊以習軍容。

別韋諒賦得江湖汎別舟

千里潯陽岸。三翼木蘭船。鷁汎青鳧後。雞鳴白鷺前。涵花沒淺纜。帶葉動深舩。不言朝夕水。獨自限神仙。

與錢玄智汎舟

高門事休沐。朝野恣逢迎。還乘金谷水。俱望洛陽城。舟移津女渡。楫動渭橋橫。風高燕已落。雨霽水還清。葉盡桐門淨。花秋菊岸明。欲奏江南曲。聊習棹歌行。

陪衡陽王游耆闍寺

甘棠聽訟罷。福宇試登臨。兔苑移飛蓋。王

城列玳簪階荒猶累玉地古尚填金龍橋
丹桂偃鷺嶺白雲深秋窻被旅葛夏戶響
山禽清風吹麥壟細雨躍梅林

游匡山簡寂館

三梁礪本絕千仞路猶通即此神山內銀
榜映仙宮鏡似臨峯月流如飲澗虹幽桂
無斜影深松有勁風惟當遠人望知在白
雲中

賦得岸花臨水發

奇樹滿春洲落葉映江浮影間蓮花石光
涵濯錦流漾色隨莖水飄香入桂舟別有
仙潭菊含芳獨向秋

賦得威鳳栖梧桐

丹山下威鳳來集帝梧中欲舞春花落將
飛秋葉空影照龍門水聲入洞庭風別有
將鷓曲翻更合絲桐

賦得魚躍水花生

漾色莖花水相望濯錦流躍浦疑珠出依
池似鏡浮凌波銜落葉觸餌避沉鈎方游
蓮葉外詎入武王舟

釣竿篇

結宇長江側。垂釣廣川濔。竹竿橫翡翠。桂
髓擲黃金。人來水身沒。楫渡杏花沉。蓮搖
見魚近。綸盡覺潭深。渭水終須卜。滄浪徒
自吟。空嗟芳餌下。獨見有貪心。

賦得雪映夜舟

黃雲迷鳥路。白雪下鳧舟。分沙映冰浦。照
鶴聚寒流。檣風吹影落。纜錦雜花浮。船梁
若是桂。翻如月照秋。

賦新題得蘭生野逕

披襟出蘭畹。命酌動幽心。鋤罷還開路。歌
喧自動琴。華燈共影落。芳杜雜花深。莫言
閑逕裡。遂不斷黃金。

賦得垂柳映斜谿

千仞清溪險。三陽弱柳垂。葉細臨湍合。根
深帶石危。風翻夾浦絮。雨濯倚流枝。不分
梅花落。還同橫笛吹。

賦得山中翠竹

修竹映巖垂。來風異夾池。復澗藏高節。重
林隱勁枝。雲生龍未上。花落鳳將移。莫言

棲嶰谷伶倫不復吹

賦得浦狹村烟度

茅蘭夾兩岸野燎燭中川
村長橫夜影水狹度浮烟
收光暗鳥弋分火照漁船
山人不炊桂樵葉幸同然

春初賦得池應教

遙天收密雨高閣映奔曦
雪盡青山路米銷綠水池
春光落雲葉花影發晴枝
琴樽奉終宴風月豈云被

賦得秋河曙耿耿

耿耿長河曙濫濫宿雲浮
天路橫秋水星衡轉夜流
月下姮娥落風驚織女秋
德星猶可見仙槎不復留

賦得薄帷鑒明月

長河上月桂澄彩照高樓
分簾疑碎璧隔幔似重鈎
窻外光恒滿帷中影暫流
豈及西園夜常隨飛蓋游

新雲

西北春雲起遙臨偃蓋松
根危纔吐葉氣淺未成峰
風前飛未斷日處影疑重
躰輕

無五色詎是得從龍

賦得白雲臨酒

白雲蓋濡水流彩入川踈葉臨稽竹輕
鱗入鄭船菊泛金枝下峰斷玉山前一朝
開玉色飄飄映十千

賦得風生翠竹裏應教

金風起燕觀翠竹夾梁池翻花疑鳳下颺
水似龍移帶露依深葉飄寒入勁枝聊因
萬籟響詎待伶倫吹

應衡陽王教詠雪

九冬飄遠雪六出表豐年睢陽生玉樹雲
夢起瓊田入窻輕落粉拂柳駛飛綿欲動
淮南賦亂下桂花前

陰鏗 共二十二首

閒居對雨

蘋藻降靈祗聰明諒在斯觸石朝雲起從
星夜月離八川奔巨壑萬頃溢澄陂綠野
含膏潤青山帶濯枝嘉禾方合穎秀麥已
分岐寄語紛綸學持竿詎必知

渡青草湖

洞庭春溜滿。平湖錦帆張。源水桃花色。湘
流杜若香。穴去茅山近。江連巫峽長。帶天
澄迥碧。映日動浮光。行舟逗遠樹。渡鳥息
危檣。滔滔不可測。一葦詎能航。

晚泊五洲

客行逢日暮。結纜晚舟中。戍樓因礎險。村
路入江窮。水隨雲度黑。山帶日歸紅。遙然
一柱觀。欲輕千里風。

又夜發五洲

夜江霧裏度。新月迥中明。溜船惟識火。驚
鳧但聽聲。勞者時歌榜。愁人數問更。

奉和登百花亭懷荆楚

江陵一柱觀。潯陽千里潮。風烟望似接。川
路恨成遙。落花輕未下。飛絲斷易飄。藤長
還依格。荷生不避橋。陽臺可憶處。惟有暮
將朝。

登武昌岸望

游人試歷覽。舊迹但丘墟。巴水縈非字。楚
山斷類書。荒城高仞落。古柳細條疎。烟蕪
遂若此。端不爲離居。

和侯司空登樓望鄉

懷土臨霞觀。思歸想石門。瞻雲望鳥道。對柳憶家園。寒田穫裏靜。野日燒中昏。信美今何益。傷心自有源。

送始興王

良守別承明。枉道暫逢迎。去帆收錦紵。歸騎指蘭城。紛糺連山暗。潺湲派水清。桂晚花方白。蓮秋葉始輕。背飛傷客念。臨岐憫聖情。分風不得遠。何由送上征。

江津送劉光祿不及

依然臨送渚。長望倚河津。鼓聲隨聽絕。帆勢與雲鄰。泊處空餘鳥。離亭已散人。林寒正下葉。鉤晚欲收綸。如何相背遠。江漢與城闕。

廣陵岸送北使

行人引去節。送客艤歸艫。即是觀濤處。仍爲郊贈衢。汀洲浪已息。邗江路不紆。亭嘶昔。櫪馬檣。轉向風鳥海上春。雲雜天際晚。帆孤離舟對零雨。別渚望飛鳧。定知能下淚。非但一楊朱。

班婕妤

柏梁新寵盛。長信昔恩傾。誰謂詩書巧。翻
為歌舞輕。花月分窻進。苔草共堦生。憶淚
衫前滿。單■夢裡驚。可惜逢秋扇。何用合
歡名。

西游咸陽中

上林春色滿。咸陽游俠多。城斗疑連漢。橋
星像跨河。影裏看飛轂。塵前聽遠珂。還家
何意晚。無處不經過。

和晉陵傷妾

畫梁朝日畫芳樹。落花辭。忽以千金笑。長
作九泉悲。鏡前塵劇粉。機上網多絲。戶餘
雙入燕。牀有一空帷。名香不可得。何見返
魂時。

侯司空第山園詠妓

佳人偏綺席。妙曲動鶻絃。樓似陽臺上。池
如洛水邊。鶯啼歌扇後。花落舞衫前。翠柳
將斜日。俱照晚粧鮮。

罷故鄆縣

秩滿三秋暮。舟虛一水濱。漫漫遵歸道。悽

悽對別津。晨風下散葉。岐路起飛塵。長岑
舊知遠。萊蕪本自貧。被裏恒容吏。正朝不
擊民。唯當有一犢。留持贈後人。

新成安樂宮

新宮實壯哉。雲裏望樓臺。迢迢翔鷗仰。連
翩賀雀來。重簷寒露宿。丹井夏蓮開。砌石
披新錦。梁花早梅欲。知安樂盛。歌管雜
塵埃。

開善寺

鷲嶺春光遍。王城野望通。登臨情不極。蕭
散趣無窮。鶯隨入戶樹。花逐下山風。棟裏
歸雲白。窻外落暉紅。古石何年卧。枯樹幾
春空。淹留惜未及。幽桂有芳叢。

游巴陵空寺

日宮朝絕磬。月殿夕無扉。網交雙樹葉。輪
斷七燈輝。香盡奩猶馥。幡塵盡漸微。借問
將何見。風氣動天衣。

游始興道館

紫臺高不極。清溪千仞餘。壇邊逢藥鈿。洞
裡閱仙書。庭舞聽經鶴。池游被控魚。稍昏

蕙葉斂。欲暝槿花疏。徒交斧柯爛。會自不
凌虛。

詠雪裡梅

春近寒雖轉。梅舒雪尚飄。從風還共落。照
日不俱銷。葉開隨定影。花多助重條。今來
漸異昨。向晚判勝朝。

賦得夾池竹

夾池一叢竹。垂翠不驚寒。葉醞宜城酒。皮
治薛縣冠。湘川染別淚。衡嶺拂仙壇。欲見
凌冬質。當為雪上看。

觀釣

澄江息晚浪。釣侶拽輕舟。絲垂解濺水。餌
下暗通流。歌聲時斷續。楫影乍橫浮。寄語
濯纓者。滄浪終滯游。

祖孫登

共五首

詠風

飄颻楚王宮。徘徊繞竹叢。帶葉俱吟樹。將
花共舞空。飄香雙袖裏。亂曲五絃中。試上
高臺聽。悲響定無窮。

詠水

龍川紫闕映珠浦。碧沙沉岸澗。蓮香遠流
清雲影深。風潭如拂鏡。山溜似調琴。請君
看皎潔。知有淡然心。

宮殿名登高臺

獨有相思意。聊敞鳳凰臺。蓮披香稍上。日
含光。正來離鶴。將雲散。飛花似雪。迴遙想
竹林友。前窻夜夜開。

詠柳

馳道藏烏日。鬱鬱正翻風。抽翠爭連影。飛
綿亂上空。高葉臨胡塞。長枝拂漢宮。欲驗
傷攀折。三春橫笛中。

賦得紫騮馬

候騎極樓蘭。長城迴路難。嘶從風處斷。骨
往水中寒。飛塵暗金勒。落淚洒銀鞍。抽鞭
上關路。誰念客衣單。

徐湛

賦得班去趙姬升

班姬與飛燕。俱侍漢王宮。不意恩情歇。偏
將衰草同。香飛金輦外。苔上玉階中。今日
悲團扇。非是爲秋風。

汎宮亭湖

迴艫乘派水。舉帆逐分風。滉瀆疑無際。飄揚似度空。檣鳥排鳥路。船影沒河宮。孤石滄波裏。匡山苦霧中。寄言千金子。安知萬里蓬。

候司空第山園詠妓

石家金谷妓。粧罷出蘭閨。看花爭欲笑。聞瑟似能啼。山邊歌落日。池上舞前溪。將人當棄李。無處不成蹊。

採藥游名山

名山本鬱盤。道士翳黃冠。獨馭千年鶴。來尋五色丸。石牀新溜乳。金竈欲成丹。定知無二價。非復在長安。

賦公上輕蘿

葉繞千年蓋。條依百尺枝。屬與松風動。時將薜影垂。學帶非難結。爲衣或易披。山河若近遠。獨自楚人知。

賦得馬

獨飲臨寒窟。離群思北風。陳王欲觀舞。御

史自隨。驄邊聲。墮客淚。菓下益。堯紅恒持。
沛艾影。解向平陵東。

蕭詮

賦得夜猿啼

桂月影。纔通猿鳴迴。入風隔巖。還嘯似臨。
潭。自響空。挂藤疑欲飲。吟枝似避弓。別有。
三聲淚。霑裳竟不窮。

蕭有

射雉

二月春暈動。曹王俠姪媒。插翳依花合。芟。
場向野開。隔田聞雉近。橫溪見影來。弦明。
青壓碎。前落錦衣攏。今日如臯路。能將巧。
笑迴。

劉邦

賦得獨鶴凌雲去

孤鳴思滄海。矯翮避虞機。怨別淒琴曲。凌。
風散舞衣。五里雖迴顧。千年會欲歸。寄語。
雷門鼓。無復一雙飛。

李爽

賦得芳樹

芳樹千株發。搖蕩三陽時。氣軟來風易。枝繁度鳥遲。春至花如錦。夏近葉成帷。欲寄邊城客。路遠詎能持。

蘇子卿

南征

一朝游桂水。萬里別長安。故鄉夢中近。邊愁酒上寬。劍峯但須利。戎衣不畏單。南中地氣煖。少婦早愁寒。

周弘正

看新婚

莫愁年十五。來聘子都家。嬌顏如美玉。婦色勝桃花。帶啼疑暮雨。含咲似朝霞。暫卻輕紈扇。傾城判不賒。

周弘直

共五首

賦得荆軻

荆卿欲報燕。銜恩棄百年。市中傾別酒。水上繫離絃。七首光陵日。長虹氣燭天。留言與送意。悲歌非自憐。

賦得名都一何綺

名都宮觀綺。金壁藻華瑤。吹臺望鳩鵲。舞

殿接披香繡轂游丹水彫輦出平陽陸離
徒照眼何解憂人傷

和庾肩吾道館

石橋有舊路靈室儼人仙菊潭溜餘水丹
竈起殘烟桃花經作實海水屢成田逆愁
歸舊里追問斧柯年

學中早起聽講

詰朝參下座閒步出重闈北堂月稍隱南
枝鶴已飛早霜垂靄靄初霧上霏霏嚴唱
雖罷析高門尚掩扉旣傷年緒促復嗟心

事違平生愛山海宿昔持精微未解輕身
去唯應下第歸

入武關

武關設地險游客好遭廻將軍天上落童
子棄繻來揮汗成雲雨驅馬颺塵埃雞鳴
不可信天時莫先開

沈炯 共三首

長安少年

長安好少年驄馬鐵連錢陳王裝船勒晉
后鑄金鞭步搖如飛燕寶劍似舒蓮去來

新市側遨遊大道邊

從駕送軍

惟亮稱乃武。軒后號神兵。弔民資智勇。治
亂屬師貞。我君膺寶業。歷駕視前英。蒲海
方無浪。夷山未有平。星光下結旆。劍氣上
舒精。雲開萬里徹。日麗百川明。撫鼓山靈
應。詔蹕水祗驚。

賦得邊馬有歸心

窮秋邊馬肥。向塞甚思歸。連鑣渡蒲海。束
舌下金徽。已却魚麗陣。將摧鶴翼圍。彌憶

長楸道。金鞭背落暉。

阮卓 共二首

蓮下游魚

春色映澄陂。涵泳且相隨。未上龍門路。聊
戲芙蓉池。觸浪蓮香動。乘流葉影披。相忘
自有樂。莊惠豈能知。

風

高風應爽節。搖落漸疎林。吹霜旅鴈斷。臨
谷曉松吟。屢棄涼秋扇。恒飄清夜琴。泠泠
隨列子。彌諧逸豫心。

楊縉

共二首

賦得荆軻

函關使不通。燕將重深功。長虹貫白日。易水急寒風。壯髮危冠下。七首地圖中。琴聲不可識。遺恨沒秦宮。

照帙秋螢

秋牕餘照盡。入暗早螢來。忽聚還同色。恒然詎落灰。飛影黃金散。依帷縹帙開。含明終不息。夜月空徘徊。

賀徹

賦得長笛吐清氣

胡關氛霧侵。羌笛吐清音。韻切山陽曲。聲悲隴上吟。柳折城邊樹。梅舒嶺外林。方知出塞虜。不憚武溪深。

何胥

賦得待詔金馬門

漢家一統軌。濟濟萬國朝。飛纓拂曉霧。輕輦晨飈槐。衢映綠綵日。彩麗金貂此。時忝待詔誰。復想漁樵。

張正得

秋蟬咽柳應衡陽王教

秋鴈鴈遙天園柳集驚蟬競噪長枝裏爭
飛落木前風高知響急樹近覺聲連長楊
流咽盡誰識蔡邕絃

褚玠

鬪雞東郊道

春郊鬪雞似捧敵兩逢迎詭羣排袖出帶
勇向揚驚錦毛侵距散芥羽雜塵生還同
戰勝罷耿介寄前鳴

釋惠標 共二首

詠山

靈山蘊麗名秀出寫蓬瀛香爐帶烟上紫
蓋入霞生霧捲蓮峰出巖開石鏡明定知
丘壑裏併佇白雲情

又

丹霞拂層閣碧水汎蓬萊鰲岫含烟聳蓮
霞照日開松門夾細葉石磴染新苔能令
平子見淹留未肯回

釋洪偃

游故苑

龍田留故苑。汾水結餘波。悵望傷游目。辛
酸思緒多。寒烟慘高樹。凝露變輕蘿。澤葵
猶帶荇。池竹尚侵荷。秋風徒自急。無復白
雲歌。

孔

賦得名都一何綺

京洛信名都。佳麗擬蓬壺。九華彫玳瑁。百
福上栴塗。黃金絡驪裏。蓮花裝鹿盧。咸言
儀服盛。全勝執金吾。

蔡凝

賦得處處春雲生

春色遍空明。春花處處生。入風依暫歛。隨
車蓋轉輕。作葉還依樹。為樓欲近城。含愁
上對影。似有別離情。

杜之松

敬和衛尉于卿柳

漢將本屯營。遼河有戍城。大夫曾取姓。先
生曾得名。高枝拂遠鴈。踈影度遙星。不辭
攀折苦。為入管弦聲。

長水書院刻

六朝聲偶集

目錄

卷之六

周詩

周明帝

共二首

贈韋居士

過舊宮

度信

共四十三首

夏日應令

陪駕幸終南山

奉和山池

晚讌昆明池

奉和初濬池成清晨臨汎

在司水看修渭橋

和靈法師游昆明池

麟趾殿校書和劉儀同

將命使北始渡瓜步江

俠客 傷周處士

至老子廟 奉趙王隱士

出自荆北門行 看妓

詠舞 將命至鄴

酬祖正真 從駕觀講武

夜聽擣衣 園苑

詠鏡

正日蒙趙王賚酒

中山公許乞酒一車未送

就蒲州刺史乞酒

北園射堂 和同泰寺浮圖

和趙王游仙

道士步虛詞共五首 詠園花

送吳法師葬

和何儀同講竟述懷

詠屏風 共二首 詠梅花

春日 共二首 奉和汎江

晚秋

王褒 共十七首

九日從駕

渡河北

玄圃瀆池臨汎奉和

和庾司水渭橋 和趙王途中作

別王都官 游俠篇

送觀寧侯葬 送劉中書葬

贈周處士 和趙王隱士

窮秋寄隱士 入朝守門開

和張侍中看獵 從駕北郊

關山月 入塞

宇文道 至渭源

宗羈 登渭橋

蕭撝 共二首 上蓮山

和涿武陵王遙望道館

宇文杲 陪駕幸終南山

劉端

和初春宴東堂應令

李元操 園中雜詠橘樹

六朝聲偶集六卷目錄 終

六朝聲偶集卷之六

吳人徐獻忠選

周詩

周明帝 共二首

贈韋居士

六交貞遁世。三辰少光微。潁陽去猶遠。滄洲遂不歸。風動秋蘭佩。香飄蓮葉衣。坐石窺仙洞。乘槎下釣磯。嶺松千仞直。巖泉百丈飛。儻能同四隱。來參予萬幾。

過舊宮

玉燭調秋氣。金輿歷舊宮。還如過白水。更似入新豐。秋潭漬晚菊。寒井落疎桐。舉杯延故老。今聞歌大風。

度信

共四十三首

夏日應令

朱簾捲麗日。翠幕蔽重陽。五月炎氣蒸。三時刻漏長。麥隨風裏熟。梅逐雨中黃。開冰帶井水。和粉雜生香。衫含蕉葉氣。扇動竹風涼。早菱生軟角。初蓮開細房。願陪仙鶴舉。洛浦聽笙簧。

陪駕幸終南山

玉山乘四載。瑤池宴八龍。龜橋浮少海。鵠蓋上中峯。飛狐橫塞路。白馬當河衝。水奠三川后。山封五樹松。長虹雙瀑布。圓闕兩芙蓉。戍樓鳴夕鼓。山寺響晨鍾。新蒲節轉促。短筍籜猶重。樹宿含櫻鳥。花留釀蜜蜂。迎風下列缺。醞酒召昌容。且欣陪北上。方欲待東封。

奉和山池

樂官多暇豫。望花蹔迴輿。鳴笳陵絕浪。飛

蓋歷通渠桂亭花未落桐門葉半踈荷風
驚浴鳥橋影聚行魚日落含山氣雲歸帶
雨餘

晚讌昆明池

春餘足光景趙李舊經過上林棗腰細新
豐酒泛多小船行釣鯉新盤待摘荷蘭臯
徒稅駕何處有凌波

奉和初濬池成清晨臨汎

千金高堰合百頃浚源開翻飛積草浪更
識昆明灰虎嘯風還急雞鳴潮即來時看
青雀舫遙逐貴舟回

在司水看修渭橋

大夫參下位司職渭之陽富平移鑠柱甘
泉運石梁跨虹連絕岸浮龜續斷航春舟
鸚鵡色流水樺花香星精逢漢帝釣叟遇
周王平隄石岸直高堰柳林長羨言杜元
凱河橋獨舉觴

和靈法師游昆明池

秋光麗曉天鵝舸汎中川密菱鄣浴鳥高
荷沒釣船碎珠縈斷菊殘絲繞折蓮落花

催斗酒。栖烏送一弦。

麟趾殿校書和劉儀同

止戈興禮樂。修文盛典模。壁開金石篆。河
浮雲霧圖。芸香上延閣。碑石向鴻都。誦書
徵博士。明經拜大夫。壁池寒水落。學市舊
槐疎。高談變白馬。雄辯塞飛狐。月落將軍
樹。風驚御史烏。子雲方汗簡。溫舒正削蒲。
連雲雖有閣。終欲想江湖。

將命使北始渡瓜步江

校尉始辭國。樓船欲渡河。輜軒臨磧岸。旌

節映江沱。觀濤想帷蓋。爭長憶干戈。雖同

燕市泣。猶聽趙津歌。

俠客

俠客重連鑣。金鞍被桂條。細塵鄴路起。驚
花亂眼飄。酒醺人半醉。汗濕馬金驕。歸鞍
果日晚。爭路上河橋。

傷周處士

冥漠爾游岱。悽涼予向秦。雖言異生死。同
是不歸人。悵然張仲蔚。悲哉鄭子真。三山
猶有鶴。五柳更應春。遂令從渭水。投釣往

江濱

至老子廟

三門臨苦縣。九井對靈溪。盛丹須竹節。量藥用刀圭。行當別關吏。直向流沙西。

奉和趙王隱士

洛湯徵五隱。東都別二賢。雲氣浮函谷。星光集潁川。灞陵採樵路。成都賣卜錢。鹿裘披稍裂。藜床坐欲穿。阮籍惟長嘯。嵇康訝一弦。澗險無平石。山深足細泉。低松猶百丈。少鶴已千年。野鳥繁弦轉。山花燄火然。

雖無亭長識。終見野人船。

出自蒯北門行

蒯門還北望。徃役盡傷情。笳寒蘆葉脆。弓凍紵絃鳴。梅林能止渴。復道可防兵。燕山猶有石。須勒幾人名。

看妓

綠珠歌扇薄。飛鷺舞衫長。琴曲隨流水。簫聲逐鳳凰。細縷纏鍾格。圓花釘鼓牀。懸知曲不誤。無事顧周郎。

詠舞

洞房花燭明。燕餘雙舞輕。頓履踈隨節。低
鬟上逐聲。步轉行初進。衫飄曲未成。鸞迴
鏡欲滿。鶴顧市應傾。已曾天上學。詎是世
中生。

將命至鄴

大國修聘禮。親隣自此敦。馮壇事原隰。負
屨報成言。西過犯風露。北指度輟轅。交歡
位公子。展禮覲王孫。何以譽嘉樹。徒欣賦
采繁。四宇盈折俎。三獻滿壘樽。人臣無境
外。何以欣此言。風俗旣險阻。山河不復論。
無因旅南館。空欲祭西門。眷然惟此別。夙
期幸共存。

留祖正員

我皇臨九有。聲教泊無隄。興文盛禮樂。偃
武息民黎。承乏驅騎馬。旌旃事鼓鞞。古碑
文字盡。荒城年代迷。被隴文瓜熟。交膾香
穗低。投瓊實有意。報李更無蹊。

從駕觀講武

校戰出長楊。欄兵入闔塲。置陣橫雲起。開
營鴈翼張。落星本驥駟。浮雲上驕驪。急風

吹戰鼓。高塵擁。具裝駭。後時落木。驚鴻屢斷行。

夜聽擣衣

擣衣明月下。靜夜秋風飄。錦石平砧面。蓮房接杵腰。急節迎秋韻。新聲入手調。寒衣須及早。將寄霍嫫媯。

園苑

今朝好風日。園苑足芳菲。竹動蟬爭散。蓮搖魚暫飛。面紅新著酒。風晚細吹衣。跂石多時望。蓮船始復歸。

詠鏡

玉匣聊開鏡。輕灰暫拭塵。光如一片水。影照淮南竹。堪能見四隣。光如一片水。影照淮南竹。堪能見四隣。兩邊人鏡語卓絕。

正旦蒙趙王賚酒

正旦辟惡酒。新年長命杯。柏葉隨銘至。柈花逐頌來。流星向椀落。浮蟻對春開。成都已故火。蜀使何時迴。用事巧前六句。唐人所宗。後二句是六朝落語。

中山公許乞酒一車未送

細柳望蒲臺。長河始一迴。秋葉幾迴落。春

蟻未曾開。瑩角非難馭。椎輪稍可推。只言
千日飲。舊逐中山來。

就蒲州刺史乞酒

簫瑟風聲慘。蒼茫雲貌愁。鳥寒栖不定。池
凝聚未流。蒲城桑葉落。灞岸菊花秋。願持
河朔飲。分勸東陵侯。

北園射堂

軒堂聊可習。仙的不難登。轉箭初辭筈。橫
弓先望堋。驚心二鴈落。連臂兩猿騰。直知
王濟巧。誰見魏舒能。擇賢方至此。傳卮欣
得朋。

和同泰寺浮圖

岩岩凌太清。照殿比東京。長影桂雙闕。高
層出九城。拱積行雲礙。幡搖度鳥驚。鳳飛
如始泊。蓮合似初生。輪重對月滿。鐸韻擬
鸞聲。盡水流全住。圖雲色半輕。露晚盤猶
滴。珠朝火更明。雖連博望苑。還接沙城。
天香下桂殿。仙梵入伊笙。庶聞八解樂。方
遣六塵情。

和趙王遊仙

藏山還採藥。有道得從師。京兆陳安世。成都李意期。玉京傳相鶴。太乙受飛龜。白石香新芋。青泥美熟芝。山精美照鏡。樵客遇圍棋。石文如碎錦。藤笛似亂絲。蓬萊在何處。漢后欲遙祠。

道士步虛詞

共五首

洞靈尊上德。虞石會明真。要妙思玄絕。虛無養谷神。丹丘乘翠鳳。玄圃馭班麟。移梨付苑吏。種杏乞山人。自此逢何處。從今復幾春。海無三尺水。山成數寸塵。

又

東明九芝蓋。北燭五雲車。飄颻入倒景。出沒上烟霞。春泉下玉雷。青鳥向金華。漢帝看桃核。齊侯問棗花。上元應送酒。來在蔡經家。

又

歸心游太極。回向入無名。五香芬紫府。千燈照赤城。鳳杯採桐實。春山種玉英。夏簧三舌響。春鍾九乳鳴。絳河應遠別。黃鵠來相迎。

又
北閣臨玄水。南宮坐絳雲。龍泥印玉策。天
火練真文。上元風雨散。中天歌吹分。靈駕
千尋上。空香萬里聞。

又

麟州一海闊。玄圃半天高。浮丘迎子晉。若
木避盧敖。經食林慮李。舊食緱山朮。盛丹
須竹節。刻髓用蘆刀。無妨大隱去。即是賢
人逃。

詠園花

甞往春園傍。聊過看菓行。枝繁類金谷。花
雜似河陽。自紅無暇染。真白不須粧。燕送
歸凌井。蜂銜上蜜房。非是金爐氣。何關栢
殿香。裊衣偏定好。應持奉魏王。

送吳法師葬

龍泉今日掩。石洞即時封。玉匣摧談柄。懸
河落辨鋒。香爐猶是栢。塵尾更成松。郭門
未十里。山迴已數重。尚聞香閣梵。猶聽竹
林鍾。送客風塵擁。寒郊霜露濃。性靈如不
滅。神理定何從。

和何儀同講竟述懷

無名即講道。有動定參微。安經讓禮席。正業理儒衣。似得游焉趣。能同捨講歸。石渠人未歇。華陰市暫稀。秋雲從晚氣。短景負餘暉。螢排亂草出。鴈捨斷蘆飛。別有平陵逕。蕭條客髮衰。實欣懷謏問。逢君理入微。

詠屏風

高閣千尋跨。重簷百尺齊。雲度三分近。花飛一倍低。吹簫近白鶴。照鏡舞山雞。何勞愁日暮。未有夜烏啼。

又

三危出鳳翼。九阪度龍鱗。路高山裏樹。雲低馬上人。應巘泉溜響。深谷鳥聲春。生馬來相問。應知有姓秦。

詠梅花

常年臘月半。已覺梅花闌。不信今春晚。俱來雪裏看。樹動懸冰落。枝高出手寒。早知覓不見。真悔着衣單。

春上

逍遙游桂苑。寂絕想桃源。狹石分花徑。長

橋映水門。管聲驚百鳥。人衣香一園。定知
權未足。橫琴坐樹根。

又

昨夜鳥聲春。驚鳴動四隣。今朝梅樹下。定
有咏花人。流星浮酒泛。粟瑱繞杯脣。何勞
一片雨。喚作陽臺神。

奉和汎江

春江下白帝。盡舸向黃牛。錦纜迴沙磧。蘭
橈避荻洲。濕花隨水汎。空巢逐樹流。建平
船梯下。荆門戰艦浮。岸社多羣樹。山城是
迥樓。日落江風靜。龍吟回上游。

晚秋

淒清臨晚景。疎索望寒階。濕庭凝墜露。搏
風卷落槐。日氣斜還冷。雲峰晚更霾。可憐
數行鴈。點點遠空排。

王褒

共十七首

九日從駕

黃山獵地廣。青門官路長。律改三秋節。氣
應九鍾霜。曙影初分地。暗色始成光。交蒨
長秋坂。緹幕杏間堂。射馬垂雙帶。豐貂佩

兩璜苑寒梨樹紫山秋菊葉黃華露霏霏
冷輕颺颺傷終慙屬車對空假侍中郎

渡河北

秋風吹木葉還似洞庭波常山臨代郡亭
障繞黃河心悲異方樂腸絕隴頭歌薄暮
臨征馬失道北山阿

玄圃瀆池臨汎奉和

長洲春水滿臨汎廣川中石壁如明鏡飛
橋類飲虹垂楊夾浦綠新桃綠逕紅對樓
還泊岸迎波斲守風漁舟釣欲滿蓮房采

半空於茲臨北關非復坐墻東

和庾司水渭橋

即庾信

東流仰天漢南渡似牽牛長隄通甬道飛
梁跨造舟使者開金堰太守擁河流廣陵
候濤水荆峽望陽侯波生從故舶沙漲涌
新洲天星識辨對檢玉應沉鈎空悅浮雲
賦非復采蓮謳

和趙王途中作

飄颻映車幕出沒望連旗度雲還翊陣迴
風即送師峽路沙如月山峯石似眉村桃

拂紅粉岸柳被青絲錦城遙可望回鞍念
此詩

別王都官

連翩憫流水。悽愴惜離群。東西御溝水。南
北會稽雲。河橋兩隄絕。橫岐數路分。山川
遙不見。懷袖遠相聞。

游俠篇

京洛出名謳。豪俠競交游。河南朝四姓。關
西謁五侯。鬪雞橫大道。走馬出長秋。桑陰
徙將夕。槐路轉淹留。

送觀寧侯葬

丹旄書空位。素帳設虛樽。楚琴南操絕。韓
書舊說存。西靡傷新樹。東陵惜故園。自憐
悲谷影。彌念玉關門。餘暉盡天末。夕霧起
山根。平原看獨樹。臯亭望列村。寒寥還蓋
靖。荒茫歸路昏。挽鐸已流唱。童歌行自喧。
眷言千載後。誰將游九原。

送劉中書葬

昔別傷南浦。今歸去北邙。書生空託夢。父
客每思鄉。塞近邊雲黑。塵昏野日黃。陵谷

俄遷變松栢易荒涼。題銘無復迹，何處驗龜長。

贈周處士

我行無歲月，征馬屢盤桓。嶠曲三危阻，關重九折難。猶持漢節使，尚服楚臣冠。巢禽疑上幕，驚羽畏虛彈。飛蓬去不已，容思漸無端。壯志與時歇，生平隨事闌。百齡悲促命，數刻念餘懽。雲生隴坻黑，桑踈薊北寒。鳥道無蹊徑，清溪有波瀾。思君化羽翮，要我鑄金丹。

和趙王隱士

鳧鵠均長短，鷓鴣共逍遙。清襟蘊秀氣，虛席滿風飈。斷弦惟續葛，獨酌止傾瓢。菖蒲九重節，桑薪七過燒。

窮秋寄隱士

王倪逢齧缺，桀溺遇長沮。藜牀負日卧，麥壠帶經鋤。自然曲水几，無名科斗書。聚花聊餌雀，穿池試養魚。小村治澁路，低田補壞渠。秋水牽沙落，寒藤抱樹踈。空枉平原騎，來過仲蔚廬。

入朝守門開

鳳池通複道嚴駕早凌晨鐵符行警曙銀
祭未開闔灑暗城無影晴新路不塵屯兵
引盡劔騎吹動班輪徒知銜瘠藻抽辭殊
未申

和張侍中看獵

上林冬狩及回中講射歸還登宣曲觀更
獵黃山圍嚴冬桑柘慘寒霜馬騎肥縹盧
隨兔起高鷹接雉飛獨嗟遠來客辛苦倦
邊衣

從駕北郊

惟皇敬明祀望拜出河東地靈開複道營
星發紫宮銜銜響清蹕直候起相風森沉
羽林騎肅穆虎賁弓

關山月

關山夜月明愁色照孤城半形同漢陣全
影逐胡兵天寒色轉白風多暈欲生寄言
亭上吏游吏解雞鳴

入塞

成久風塵色動多意氣豪建章樓閣迥長
安陵樹高度冰傷馬骨經塞墜節施行當
見天子無假用錢刀

宇文道

至渭源

渭源奔禹穴。輕瀾起客亭。淺淺平湍澗響。
蕩蕩竟川鳴。潘生稱運石。馮子聽波聲。斜
去臨天半。橫來對始平。合流應不雜。方知
性本清。

宗羈

登渭橋

中山朝飲馬。還坐渭橋中。南瞻臨別館。北
望盡離宮。四面衣裾合。三條冠蓋通。蘭香
想和季。雲起憶成公。圯上相知早。雞鳴幸
共同。

蕭摛

共二首

上蓮山

獨邁青蓮嶺。超竒紫蓋峯。桂流遙似鶴。插
石近如龍。沙崩聞韻鼓。霜落候鳴鍾。飛花
滿叢桂。輕吹起修筇。石蒲今尚有。採摘更

相逢

和梁武陵王遙望道館

神境流精閣仙居紫翠房
合有尋真地邈迤麗通莊
九桂含虬重三臺飾夜光
金輝碧桃海玉笈紫書方
拂筵青鳥集吹簫白鳳翔
履歸堪是燕石在詎非羊
煙霞四照葉風月五名香
於茲嘉臨眇願得假霓裳

宇文泉

陪駕幸終南山

堯蓋臨河穎漢蹕踐華嵩
日旌迴北鳳星旆轉南鴻
清道過宣曲先驅背射能
金桴拂泉底玉琯吹雲中
古轍稱難極新途或易窮
烟生山欲盡潭淨水恒空
交松上連霧修竹下來風
仙才道無別靈氣法能同
東棗羞朝座西槐獻夜宮
詔令王子晉出對浮丘公

劉端

和初春宴東堂應令

睿賞叶春芳開筵臨盡堂
庭梅開早素簷柳變初黃
八珍羅玉俎九醞湛金觥
箏響

流飛閣歌塵落妓行何必匹目不空承明
月光

李元操

園中雜詠橘樹

嘉樹出巫陰分根徙上林白華如霰雪朱
實似懸金布影臨丹地飛香度玉岑自有
凌冬質能守歲寒心

長水書院刻

六朝聲偶集卷之六

六朝聲偶集目錄



卷之七

隋詩

隋帝 共十首

望海

臨渭源

還京師

宴東堂

夏日臨江

獻歲護宮臣

冬夜

悲秋

晚春

月夜觀星

江摠

共二十三首

山庭春日

三日侍宣猷堂曲水宴

秋日昆明池 宴樂修堂應令

秋日登廣州城南樓

贈別洗馬袁朗 別袁昌州

賦得攜手上河梁應詔

遇長安便寄裴尚書

奉和東宮經故妃舊殿

傷顧野王 卞山楚廟

夏日還山庭 春夜山庭

詠雙闕 侍宴玄武觀

歲暮還宅 南還尋草市宅

秋日侍宴萋湖苑應詔

借劉太常說文

賦一日成三賦應令

經始興廣果寺題愷法師山房

明慶寺 侍宴瑤泉殿

柳顧言 共五首

奉和晚日揚子江應教

侍宴臨芳殿

三善殿夜望山燈

奉和周趙王詠石

孔德紹 共四首

行經太華

觀太常奏新樂

登白馬山護明寺

賦得華亭鶴

許善心 共二首

於太常寺聽陳

國蔡子元校正聲樂

奉和還京師

于仲文

荅譙王

盧思道 共三首

贈司馬幼之南聘

夜聞鄰妓

賦得珠簾

李德林 共四首

從駕巡道

又從駕還京

詠松樹

夏日

沈君道

侍皇太子宴應令

簫聲 共七首

奉和濟黃河應教

和崔侍中從駕經山寺

屏風畫

奉和詠龍門桃花

奉和元

初秋西園應教

渡黃河

七夕

薛道衡

共十三首

梅夏應教

入柳江

渡北河

從駕天池應詔

從駕幸晉陽

奉和月夜聽軍樂應詔

和許給事善心戲場轉韻

共六首

奉和臨渭源應詔

薛昉

虞世基

共一首

和幸江都

二首

接北使

虞茂

共二首

賦昆明池一物得織女石

奉賀望海

劉斌

共二首

詠山

和許給事傷牛尚書

元行恭

共二首

秋游昆明池

過故宅

張文恭

七夕

崔仲方

奉和周趙王詠石

孔德紹 共四首

行經太華

觀太常奏新樂

登白馬山護明寺

賦得華亭鶴

許善心 共二首

於太常寺聽陳

國蔡子元校正聲樂

奉和還京師

于仲文

荅譙王

盧思道 共三首

贈司馬幼之南聘

夜聞鄰妓

賦得珠簾

李德林 共四首

從駕巡道

又從駕還京

詠松樹

夏日

沈君道

侍皇太子宴應令

簫聲 共七首

奉和濟黃河應教

和崔侍中從駕經山寺

屏風畫

奉和詠龍門桃花

奉和元

初秋西園應教

秋日

王春

七夕

賀敬

奉和九日詩

卜賦

觀太常寺奏新樂

何妥

共二首

奉勅於太常修正樂

樂部曹觀樂

牛弘

奉和冬至乾陽殿受朝應詔

孫萬壽

東歸在路

魏彥深

共四首

詠階前萱草

詠石榴

園樹有巢鵲戲以詠之

初夏應詔

王胄

送周貞外充戍嶺表賦得鴈

松公瞻

詠同心芙蓉

李巨仁

共三首

釣竿

賦得鏡

賦得方塘含白水

孔範

賦得白雲抱幽石

虞世南

奉和月夜觀星應令

六朝聲偶集七卷目錄終

六朝聲偶集卷之七

吳人徐獻忠選

隋詩

隋帝 共十首

望海

碧海雖欣矚。金臺空有聞。遠水翻如岸。遙山倒似雲。斷濤還六合。連浪或時分。馴鷗舊可狎。卉木足為羣。方知小姑射。誰復語臨汾。

臨渭源

西征乃屆此。山路亦悠悠。地幹紀靈異。同
穴吐洪流。濫觴何足擬。浮槎難可儔。驚濤
鳴澗石。澄岸瀉崑樓。滔滔下狄縣。森森肆
神州。長林嘯台獸。雲逕想青牛。風歸花葉
散。日舉烟霧收。直爲求人隱。非窮轍迹游。

還京師

東都禮義舉。西京冠蓋歸。是月春之季。花
柳相依依。雲蹕清馳道。彫輦御晨暉。寥亮
鏡筵奏。歲蕤旌旆飛。後乘超文雅。前駟勵
武威。

宴東堂

雨罷春光潤。日落暝霞輝。海榴舒欲盡。山
櫻開未飛。清音出歌扇。浮香颺舞衣。翠帳
全臨戶。金屏半隱扉。風花意無極。芳樹曉
禽歸。

夏日臨江

夏潭蔭修竹。高岸坐長楓。日落滄江靜。雲
散遠山空。鷺飛林外白。蓮開水上紅。逍遙
有餘興。悵望情不終。

獻歲讌宮臣

三元建上京。六佾宴城。朱庭容衛肅青。
天春氣明。朝光動劍彩。長階分珮聲。酒闌
鍾磬息。欣觀禮樂成。

冬夜

不覺歲將盡。已復入長安。月影含冰凍。風
聲淒夜寒。江海波濤壯。嶺漳坂險難。無因
寄飛翼。徒欲動和鑾。

悲秋

故年秋始去。今年秋復來。露濃山氣冷。風
急蟬聲哀。鳥繫初移樹。魚寒欲隱苔。斷霧
時通日。殘雲尚作雷。

晚春

洛陽春稍晚。四望滿春暉。楊葉行將暗。桃
花落未稀。窺簷燕爭入。穿林鳥亂飛。唯當
關塞者。溽暑方沾衣。

月夜觀星

團團素月淨。脩脩夕景清。谷泉驚暗石。風
松動夜聲。被衣出荆戶。踞履步山楹。欣覲
明堂亮。喜見太階平。紫參猶可識。牛女尚
分明。更移斗柄轉。夜久天河橫。徘徊不能

窳參差幾種情

江揔

共二十三首

山庭春日

洗沐唯五日。棲遲在一丘。古榭橫近澗。危石聳前洲。峯綠開河柳。池紅照海榴。野花寧待晦。山蟲詎識秋。人生復能幾。夜燭非長游。

三日侍宣猷堂曲水宴

上巳娛春禊。芳辰喜月離。北宮命簫鼓。南館列旌麾。繡柱擎飛閣。雕軒傍曲池。醉魚沉遠岫。浮棗漾清漪。落花懸度影。飛絲不碍枝。樹動丹樓出。山斜翠磴危。禮周羽爵徧。樂闋光陰移。

秋日昆明池

玄沼蕭條望。游人意緒多。終南雲影落。渭北雨聲過。蟬噪金堤柳。鷺飲石鯨波。珠來照似月。織處寫成河。詎知臨水歎。非復采蓮歌。

宴樂修堂應令

肅城通甲觀。承華啓畫堂。北宮降恩賞。西

園度羽觴殊私奉玉裕終宴在金房庭暉
連樹采簷影接雲光仙如伊水駕樂似洞
庭張彈絲命琴瑟吹竹動笙簧庸踈濫應
阮衰朽而連章

秋日登廣州城南樓

秋城韻晚笛危榭引清風遠氣疑埋劍驚
禽侶避子海樹一邊出山雲四面通野火
初烟細新月半輪空塞外離羣久顏鬢早
如蓬徒懷建業水復想洛陽宮不及孤飛
鴈獨在上林中

贈別洗馬袁朝

賈誼登朝日終軍對奏年校文升廣內撫
劍入崇賢奇才殊艷逸將別愛留連驅車
命鏡管拱坐面林泉池寒稍下鴈木落久
無蟬霧侵山上月霜開石路烟高談無與
慰遲爾報華篇

別袁昌州

河梁望隴頭分手路悠悠但年驚若電別
日欲成秋黃鵠飛飛遠青山去去愁不言
雲雨散更似東西流

賦得攜手上河梁應詔

早秋天氣涼。分手關山長。雲愁數處黑。木
落幾枝黃。鳥歸猶識路。流去不知鄉。秦川
心斷絕。何恨是河梁。

遇長安便寄裴尚書

傳聞令浦葉。遠向洛陽飛。北風尚嘶馬。南
冠獨不歸。去雲目徒送。離琴手自揮。征蓬
失處所。春草屢芳菲。太息關山月。風塵客
子衣。

奉和東宮經故妃舊殿

故殿看看冷。空階步步悲。猶憶窺窻處。還
如解佩時。苔生無意早。鷲入有言遲。若令
歸就月。照見不須疑。

傷顧野王

獨酌一樽酒。高咏七哀詩。何言蒿里別。非
復竹林期。階荒鄭公草。戶闕董生帷。人隨
暮槿落。客共晚鷺悲。年髮兩如此。傷心獨
幾時。

卜山楚廟

蘋藻祈明德。倚棹息巖阿。忽聽鳥鳴曙。非

復楚宮歌。閒階薙宿莽。古木斷懸蘿。帷堂
寐。易晚桴鼓自相和。感祀流百世。英威言
幾何。

夏日還山庭

獨於幽栖地。山庭暗女蘿。澗漬長低篠。池
開半卷荷。野花朝暝落。盤根歲月多。停樽
無賞慰。狎鳥自經過。

春夜山庭

春夜芳時晚。幽庭野氣深。山疑刻削意。樹
接從橫陰。戶對忘憂草。池驚旅浴禽。樽中
良得性。物外知余心。

詠雙闕

象闕連馳道。天宇照方䟽。刻鳳棲清莫。圖
龍入紫虛。屢逢膏露灑。幾遇祥烟初。競言
百尺麗。寧方萬丈餘。

侍宴玄武觀

詰曉三春暮。新雨百花朝。星宮移渡漢。天
駟動竹鑣。旃轉蒼龍闕。塵飛飲馬橋。翠觀
迎斜照。丹樓望落潮。鳥聲雲裏出。樹影浪
中搖。歌吟奉天詠。未必待聞韶。

歲暮還宅

悵然想泉石。駢駕出城臺。翫竹春前筍。驚
花雪後梅。青山殊可對。黃卷復時開。長繩
豈繫日。濁酒傾一杯。

南還尋草市宅

紅顏辭鞚洛。白首入輶轅。乘春還故里。徐
步採芳蓀。徑毀悲衰仲。林殘憶巨原。見桐
猶識井。看柳尚知門。花落空難遍。鶯啼靜
易喧。無人訪語默。何處叙寒溫。百年獨如
此。傷心豈復論。

秋日侍宴婁湖苑應詔

翠渚還鑾輅。瑤池命羽觴。千門響雲蹕。四
澤動榮光。玉軸昆池浪。金丹太液張。紅旗
照島嶼。鳳蓋繞林塘。野靜重陰澗。淮秋水
氣涼。霧開樓闕近。日迥烟波長。洛宴諒斯
在。鎬飲詎能方。朽劣叨榮遇。簪笏奉周行。

借劉太常說文

劉棻慕子雲。許慎詢景伯。顧學該虫篆。竒
文秀鳥迹。嗟徒下帷待。問垂重席不。詣
王充市。聊投班玩籍。三寫徧鑽研。六書補

益幽居服藥餌。山宇生虛白。留連嗣芳
杜。曠蕩依泉石。夫君愛滿堂。願言馳下澤。

賦一日成三賦應令

副君睿賞道。清夜北園游。下筆成三賦。傳
觴對九秋。飛文綺縠采。落紙波濤流。樹密
寒蟬響。簷暗雀聲愁。綠淑明層殿。青山照
近樓。此時盛禮物。顧省良若

經始興廣果寺題愷法師山房

息舟候香。悵別在寒林。竹近交枝亂。山
長絕逕深。輕飛入定影。落照有疎陰。不見

投雲狀空留折桂心

明慶寺

十五詩書日。六十冠冕年。名山極歷覽。勝
地殊留連。幽崖聳絕壁。洞冗瀉飛泉。金河
知證果。石室乃安禪。夜梵聞三界。朝香徹
九天。仙階步皎月。澗戶惠涼蟬。市朝霜草
露。淮海作桑田。何言望鍾嶺。更復切秦川。

侍宴瑤泉殿

水亭通朽詣。石路接堂皇。野花不識采。旅
竹本無行。雀驚疑欲曙。蟬噪似含涼。何言

金殿側。亟奉瑤池觴。

柳顧言 共五首

奉和晚日揚子江應教

大江都會所長洲。有舊名西流。控岷蜀東
汎。邇蓬瀛未覩。織羅動先聽。遠濤聲空濛。
雲色晦。淡壘浪花生。欲知暮雨歇。當觀飛
旆輕。

侍宴臨芳殿

鍾箭自徘徊。皇堂薦羽杯。橋平疑水落。石
迥見山開。林前暝色靜。花處近香來。西嶷

傷撫夕北閣濫游陪

三善殿夜望山燈

百花疑吐夜。四照似含春。的的連星出。亭
亭向月新。採珠非合浦。贈珮異江濱。若任
扶桑路。堪言並日輪。

渡黃河

葱山淪外域。鹽澤隱遐方。兩源分際遠。九
道派流長。未殫所聞見。無待驗詞章。留連
嗟太史。惆悵踐黎陽。導波縈地脉。疏氣耿
天潢。憫周沉用寶。嘉晉肇爲梁。

七夕

漢曲天榆冷。河邊月桂秋。姮嬋期今夜。飄
飄渡淺流。輪隨列宿動。路逐彩雲浮。橫波
翻瀉淚。束素反緘愁。此時機杼息。獨向紅
粧羞。

薛道衡 共十三首

梅夏應教

長廊連紫殿。細雨應黃梅。浮雲半空上。清
吹隔池來。集鳳桐花散。勝龜蓮葉開。幸逢
為喜樂。頻降濟時才。

入柳江

仗節遵嚴會。揚冷泝急流。征途非白馬。水
勢類黃牛。躡波鳴石磧。濺沫擁沙洲。岸迴
槎倒轉。灘長船却浮。緣涯頻斷挽。掛壁屢
移鈎。還憶青絲騎。東方來上頭。

渡北河

連旌映淑浦。疊鼓沸沙洲。桃花長新浪。竹
箭下奔流。塞雲臨運艦。胡風入陣樓。劍拔
蛟將出。駭驚龜欲浮。馬書終立效。鷲相果
封侯。勿恨關河遠。且寬邊地愁。

從駕天池應詔

上聖家寰宇威畧振邊陲八維
眺覽千里曳旌旗駕龜臨碧海控驥踐瑤池曲浦
騰烟霧深浪駭鯨螭

從駕幸晉陽

省方遵往冊游豫叶前經金吾朝戒道校尉
晚巡營重巒下飛騎絕浦渡連旌澗水寒逾咽
松風遠更清方觀翠華反簪筆上雲亭

奉和月夜聽軍樂應詔

旋門臨古堞檄道度深隍月冷疑秋夜山
寒落夏霜遙空下暮色青景散餘光笳聲
誼隴水鼓曲噪漁陽沉鬱興神思眺望發
天章嵩岱終難學丘陵徒自強

和許給事善心戲場轉韻

京洛重新年復屬月輪圓雲間壁獨轉空
裡鏡孤懸萬方皆集會百戲盡來前臨衢
車不絕夾道閭相連驚鴻出洛水翔鶴下
伊川艷質迴風雪笙歌韻管弦

又

佳麗儷成行。相携入戲場。衣類何平叔。人
同張子房。高高城裡髻。峩峩樓上粧。羅裙
飛孔雀。綺席睡鴛鴦。日映班姬扇。風飄韓
壽香。

又

竟夕魚負燈。徹夜龍銜燭。戲咲無窮已。歌
詠還相續。羌笛隴頭吟。胡舞龜茲曲。假面
飾金銀。盛服搖珠玉。

又

霄深戲未闌。竟爲人所難。卧驅飛玉勒。立
騎轉銀鞍。縱橫旣躍劍。揮霍復跳丸。

又

抑揚百獸舞。盤跚五禽戲。後狔弄斑足。巨
象垂長鼻。青羊跪復跳。白馬迴旋騎。忽覩
羅浮起。俄看鬱昌至。峯嶺旣崔嵬。林叢亦
青翠。麋鹿下騰倚。猴猿或蹲踞。

又

金徒列舊刻。玉律動新灰。甲葉垂陌柳。殘
花散苑梅。繁星漸寥落。斜月尚徘徊。王孫
猶勞戲。公子未歸來。共酌瓊酥酒。同傾鸚

鸚鵡。普天逢聖日。兕席喜康哉。

奉和臨渭源應詔

玄功復禹迹。至德去湯羅。玉關亭障遠。金
方水石多。八川滋一態。萬里道長波。驚流
注陸海。激浪象天河。鸞旗歷巖谷。龍穴暫
經過。西老倍游宴。南風起詠歌。度品蒙仁
澤。生靈沐太和。微臣惜暮景。願駐魯陽戈。

薛昉

平臺愛賓友。逢掖齒簪裾。藉卉懷春暮。開
襟近夏初。嫩枝猶露鳥。細藻欲藏魚。舞袖
臨飛閣。歌聲出綺疏。莫慮歸衢晚。馳輪待
興餘。

虞世基 共三首

和幸江都

南國行周化。稽山秘夏圖。百王豈殊軌。千
載協前謨。肆覲遵時豫。順動悅來蘇。安流
進畫軸。戒道翼金吾。龍旂煥辰象。鳳吹溢
川塗。封唐昔敷錫。分陝被荆吳。沐道咸知
讓。慕義久成都。冬律初飛管。陽鳥正啣蘆。

嚴飈肅林薄。暖景澹江湖。鴻私浹幽遠。厚澤潤凋枯。虞琴起歌咏。漢筑動巴歛。多幸沾行葦。無庸類散樗。

又

巡遊光帝典。征吉乃先天。澤國翔宸駕。水府泛樓船。七華縈長薄。三翼亘通川。夙興大昕始。求衣昧旦前。澄瀾浮曉色。遙林卷宿煙。晨霞稍合景。落月漸虧弦。迴塘響歌吹。極浦望旌旄。方陪覲東后。登封禪肅然。

接北使

會玉二嶠至。端節三秦歸。林蟬踈欲盡。江鴈斷還飛。墻垣崇客館。旌蓋入王畿。共此敦封植。方欣篤紵衣。

虞茂

共二首

賦昆明池一物得織女石

隔河圖列宿。清漢象昭回。支機就鯨石。拂鏡就池灰。船疑海槎渡。珠似客星來。所恨雙娥歛。逢秋遂不開。

奉和望海

清蹕臨溟漲。巨海望滔滔。十洲雲霧遠。三

山波浪高。長瀾疑浴日。連島類奔濤。神游
藐姑射。睿藻冠風騷。徒然觀海。何以効
涓毫。

劉斌 共二首

詠山

雪山峙千仞。蔽日且嵯峨。紫蓋雲陰遠。香
爐烟氣多。石梁高鳥路。瀑水近天河。欲知
聞道里。別自有仙歌。

和許給事傷牛尚書

名臣不出世。百工之所求。况乃非常器。遭
逢興運秋。符彩照千里。銓衡綜九流。經綸
資博物。樽俎寄皇猷。韶濩傾復理。典禮紊
還脩。雖貞棟梁任。兼好藝文游。佇聞和鼎
實。行當奉介丘。高衢翻稅駕。閱水遽遷舟。
傳呼更何日。曳履聞無由。歸蒐藐修路。征
棹艤邪溝。林薄長風慘。江上寒雲愁。夜臺
終不曙。遺芳徒自留。

元行恭 共二首

秋游昆明池

旅客傷羈遠。樽酒慰登臨。池鯨隱舊石。岸

菊聚新金。陣低雲色近。行高鴈影深。歌荷
瀉。園露卧柳橫。清陰衣共。秋風冷。心學古
灰沉。還似無人處。幽蘭入雅琴。

過故宅

頽城百戰後。荒邑四鄰通。將軍戟已折。步
兵途轉窮。吹臺有山鳥。歌庭聒野虫。草深
斜徑沒。水盡曲池空。林中滿明月。是處來
春風。唯餘一廢井。尚夾兩株桐。

張文恭

七夕

鳳律驚秋氣。龍梭靜夜機。星橋百枝動。雲
路七香飛。映月回雕扇。凌霞曳綺衣。含情
向華幄。流態入重闈。懽餘夕漏盡。怨結曉
驂歸。誰念分河漢。還憶兩心違。

崔仲方

奉和周趙王詠石

玉繩隨月落。金碑映石鮮。入江疑濯錦。出
峽似開蓮。文馬河西瑞。兵符濟北篇。會逐
靈槎上。還歸天漢邊。

孔德紹

共四首

行經太華

紛吾世網。暇靈岳展幽尋。寥廓風塵遠。杳冥川谷深。山昏五里霧。日落二華陰。踈峯起蓮葉。危塞隱桃林。何必東郡外。此處可抽簪。

觀太常奏新樂

大君膺寶。出豫表功成。鈞天金石響。洞庭弦管清。八音動繁會。九變叶希聲。和雲留睿賞。薰風悅聖情。盛烈光韶濩。易俗邁咸英。切吹良無取。率舞抃輕生。

登白馬山護明寺

名岳標彤勝。危峯遠鬱紆。成象建環極。大壯闡規模。層臺聳靈鷲。高殿邇陽烏。暫同游浪苑。還類入仙都。三休開碧題。萬戶洞金鋪。攝心磬前禮。訪道握中虛。遙瞻盡地軸。長望極天隅。白雲起梁棟。丹霞映拱樞。露花疑濯錦。泉月似沉珠。今日桃源客。相顧失歸塗。

賦得華亭鶴

華亭失似鶴。乘軒寵遂終。三山凌苦霧。千

里激悲風心危白露下聲斷採弦中何言
斯物變翻復似遼東

許善心 共二首

於太常寺聽陳國蔡子元校正

聲樂

維陽成禮樂治定昔君臨
庭觀樹羽之帝抑縱金既因鍾石變將隨河海沉湛露
廢還序承風絕復尋袞章無舊迹韶夏有餘音澤竭英莖散人遺夏思深悲來未減
瑟淚下正聞琴詎以文侯睡聊同微子吟

鍾奏殊南北商聲異古今獨自延州聽應
知亡國音

奉和還京師

重光闡帝圖肆覲荷來蘇卜落連新邑因
秦還舊都雷警三辰衛星陳七萃駢從風
折鳳羽曜日拖魚鬚憲章殫禮樂容服備
車徒迴鑿入鄴鎬從蹕度粉榆冉冉年和
變遲遲節物徂餘花照玉李細葉剪珪梧
朝夕萬國湊海會百川輸微生逢大造倏
忽改榮枯

于仲文

荅譙王

梧臺開廣宴。竹苑列英賢。景差方入楚。樂
毅始游燕。折角揮談柄。重席吐言泉。武騎
初擒翰。文學正題鞭。玉徽調綠綺。散壁沉
青田。晚霞澹遠岫。落景藻長川。未陪東閣
賞。獨詠西園篇。

盧思道

共三首

贈司馬幼之南聘

故交忽千里。輜車蒞遠盟。幽人重離別。握

手送行行。晚霞浮極浦。落影照長亭。拂霧
揚龍節。乘風遡鳥旌。楚山百重映。吳江萬
仞清。夏雲樓閣起。秋濤帷蓋生。陸侯持寶
劍。終子繫長纓。前修亦何遠。君其勗令名。

夜聞鄰妓

倡樓對二道。吹臺臨九重。笙隨山上鶴。笛
奏水中龍。怨歌聲易斷。妙舞態難逢。誰能
暫留客。解珮一相從。

賦得珠簾

鑑帷明欲歛。照檻色將晨。可憐踈復密。隱

映當窻人浮清帶遠吹含光動細塵落花
時屢拂會待玉階春

李德林 共四首

從駕巡道

大夏堯遺俗汾河漢豫游今隨龍駕往還
屬鴈飛秋天行肅輦路日馭翼華輶朝來
六氣夕動七星旒谷靜禽多思風高松
易秋遠林才有色遙水漫無流京華佳麗
所目極與雲浮但觀凌霽觀詎見望仙樓
鏢門皆秀發鴛門盡學優侍君草封禪東

山觀射牛

又從駕還京

至仁文教遠惟聖武功宣太史觀六義諸
侯問百年玄覽時乘隙訓旅次山川鎮象
屯休氣華蓋翼飛烟鼓奏千人響旗動七
星連峻嶺戈廻日高峰馬煦天姑射神游
罷簫關獵騎旋更待東山上看君巡狩篇

詠松樹

結根生上苑擢秀邇華池歲寒無改色年
長有倒枝露自金盤洒風從玉樹吹寄言

謝霜雪真心自不移

夏日

夏景多煩暑。山水暫追涼。桐枝覆玉檻。荷
葉滿銀塘。輕扇搖明月。珍簾拂流黃。壺盛
仙客酒。瓶貯帝臺漿。才人下銅雀。侍妓出
明光。歌聲越齊市。舞曲冠平陽。微風動羅
帶。薄汗染紅粧。共欣陪宴賞。千秋樂未央。

沈君道

侍皇太子宴應令

副君監撫暇。禁苑暫停車。水落金沙淺。雲

散玉葉疎。隨厨白羽駕。逐釣紫鱗魚。飽德

良無已。榮陪終宴餘。

蕭愨

共七首

奉和濟黃河應教

大蕃連帝室。驂駕奉皇猷。未明驅羽騎。凌
晨方盡舟。津城度維錦。岸柳夾緹油。鍾聲
颺別島。旗影照蒼流。早光生劍服。朝風起
節樓。滔滔細波動。齋齋輕船浮。迴橈避近
磧。放舳下前洲。全疑上天漢。不異謁蓬丘。
聖知雲氣合。聰識水聲秋。從君何等樂。喜

從神仙游。

和崔侍中從駕經山寺

釣陳夜瞻微河漢。曉參橫。游騎騰文馬。前
駟轉翠旌。野禽喧曙色。山樹動秋聲。雲表
金輪見。岩端畫拱明。塔疑從地涌。蓋似積
香成。泉高下溜急。松古上枝平。儀台多壯
思。麗藻蔚綠情。自嗤非照庶。何以繼連城。

屏風畫

秦皇臨竭石。漢帝幸明庭。非關重游豫。直
是愛長齡。讀記知州所。觀圖見岳形。曉識

仙人氣。夜辨少微星。服銀有祕術。蒸丹傳
舊經。風搖百影樹。花落萬春亭。飛流近更
白。叢竹遠彌青。逍遙保清暢。因持悅性情。
奉和詠龍門桃花

舊聞開露井。今見植龍門。樹少知非塞。花
高異少原。論時應未發。故欲影歸軒。祇言
經摘罷。猶勝逐風翻。

奉和元

帝宮通夕燎。天門拂曙開。瑞雲生寶鼎。榮
光上露臺。華山不凋葉。宜城萬壽杯。遙見

飛鳧下玄知鄴令來

初秋西園應教

池亭三復後林館九秋前
清冷間泉石散漫雜風烟
葉開千葉影榴艷百枝然
約嶺停飛旆凌波動畫船

秋日

秋天擬文學秋水擅莊蒙
草濕蒹葭露波卷洞庭風
便坐翻木葉長坂歇蘭蓂
簷喧猶有燕陂靜未來鴻
蟬唱聞疑斷池清似映空

王脊

七夕

天河橫欲曉鳳駕儼應飛
落月移裝鏡浮雲動別衣
懽逐今霄盡愁隨還路歸
猶將宿昔淚更上去年機

賀敬

奉和九日詩

商飈凝素籥玄覽賁黃圖
曉霜驚斷雁晨吹結栖鳥
寒花低岸菊涼葉下庭梧
澤宮申舊典相圃叶前模
玉砌分雕戟金溝轉

鏤翟帶星飛夏箭。映月上軒孤。慶展簪裾
洽。恩融雨露濡。天文發丹篆。寶思掩玄珠。
承權徒聳忙。負弛竊忘軀。

卜賦

觀太常寺奏新樂

昔人夢黃帝。尚書頌鈞天。况茲開景業。作
樂武功宣。大雅廢還理。乘風毀更懸。中和
誠易擬。韶夏詎相泐。建爲磬響徹。解谷
聲傳小。臣濫清耳。長奉南風弦。

何妥 共二首

奉勅於太常修正樂

大樂遺鍾鼓。至樂貴忘情。俗久淳和變。年
沒禮教生。解谷調孤嶺。山學鳳鳴浮。雲成
舞曲。白雪作歌名。聞詩六義辨。觀舞八風
平。肅穆皇威暢。淪連河水清。鈞天動絲竹。
括地響錚鉦。盡美兼韶護。威德摠咸英。廖
亮鳧鍾徹。飄揚翟羽輕。千臣屬千載。時幸
預簪纓。行欣負蒼壁。衢壇聽九成。

樂部曹觀樂

東海餘風大。陶唐遺思深。何如觀偏舞。奏

鼓間撥金。清管調絲竹。朱弦韻雅琴。八行
陳樹羽。六德審知音。至道兼韶濩。文庭惣
輪林。高天度流火。落日廣城陰。百神諧景
福。萬國仰君臨。天樂非鍾鼓。日用戒民心。

牛弘

奉和冬至乾陽殿受朝應詔

恭已臨萬寓。宸居馭八埏。作貢菁茅集。來
朝圭黻連。司儀三揖盛。掌禮九賓虔。重欄
映如壁。複殿繞非烟。

孫萬壽

東歸在路

學官兩無成。歸心自不平。故鄉尚千里。山
秋猿夜鳴。人愁慘雲色。客意慣風聲。羈恨
雖多緒。俱是一傷情。

魏彥深

共四首

詠階前萱草

綠草正含芳。霍靡踈前堂。帶心花欲發。依
籠葉已長。雲度時無影。風來乍有香。橫得
忘憂號。余憂遂不忘。

詠石榴

分根金谷裏。移植廣庭中。新枝含淺綠。晚
萼散輕紅。影入環階水。香隨度隙風。路遠
無由寄。徒念春閨空。

園樹有巢鵲。戲以詠之。

畏玉心常駭。瑱河力已窮。夜飛還遶樹。朝
鳴且向風。知來寧自伐。識歲不論功。早晚
時應至。輕舉一排空。

初夏應詔

雖度芳春節。物色尚餘華。出簾飛小燕。映
戶落殘花。舞衫飄細縠。歌扇掩輕紗。蘭房
本宜夜。不畏日光斜。

王冑

送周貞外克戍嶺表賦得鴈

旅鴈別衡陽。天寒關路長。行斷由經箭。聲
嘶爲犯霜。惟繳無人閱。能鳴反自傷。何如
似汎汎。刷羽戲方塘。

松公瞻

詠同心芙蓉

灼灼荷花瑞。亭亭出水中。一莖孤引綠。雙
影共分紅。色奪歌姬臉。香亂舞衣風。名蓮

自可念况復兩心同

李巨仁 共三首

釣竿

潺湲面江海滉漭屬波瀾不惜黃金餌唯
懽翠竹斜綸控急水定撒下飛湍湍迥
風來易川平霧散難寄言朝市客滄浪余
未安

賦得鏡

魏宮知本性秦樓識舊名鳳從臺上出龍
就匣中生無波凌自動不夜月恒明非唯

照佳麗復得厭山精

賦得方塘含白水

白水溢方塘森森素波揚疊浪搖鳧影連
漪寫鴈行長堤柳色翠夾岸荇花黃觀魚
自有樂何必在濠梁

孔範

賦得白雲抱幽石

白雲浮遠蓋飄飄繞石飛帶蓮縈錦色拂
鏡下仙衣陣結香爐隱羅成玉女微能感
荆玉夢陽臺雜雨歸

虞世南

奉和月夜觀星應令

旦秋炎景暮初弦月彩新清風滌暑氣文
露淨囂塵蕩霧消輕縠鮮雲卷夕鱗休光
灼前曜瑞彩接重輪緣情摘聖藻並作命
徐陳宿草誠渝濫吹吁偶縉紳天文豈易
述徒知仰北辰

長水書院刻

六朝聲偶集卷之七

終

六朝聲偶集後序

吳人徐獻忠撰

予讀六朝人詩取其偶切成律者焉夫六
朝人詩綺靡鮮錯失之輕且弱予雖取之
安得而掩焉乃予究觀詩人之作代出意
匠以增前人之能則敷文之極而流弊之
至于此也乃後世之為律者實六朝人創
始言之至于今承信宗襲世無有廢律而
成詩者則六朝人之汎波亦豈可少哉夫
詩自三百篇而後雖漢人蘇李激烈感慨

以發悲歎之思其去古詩遠甚而風教微
矣詩家宗事之幾與三百篇等魏晉人遠
不逮蘇李而建安七子之長爭光後時此
其故何也蓋詩之流聲不徇其體裁而係
諸時尚不專矩墨而專其工能作者能工
而時尚不廢即謂之名代之言可也其傳
而變變而極雖文勝之末弊亦何以掩其
專能哉唐文皇詩英標秀出而神氣不乏
一代之宗也然探其華要固隋人之軌而
齊梁人之波也唐人祖尚之不一再傳而
模寫擬切之言殆已盛矣乃其後遂失其
精藻而流于膚淺亡其風流而涉于左僻
斯固衡文者之病而斯人之逸致殆亦異
乎六朝人矣譬之山澤之癯而欲自列于
清廟明堂之上不待鑒別而陋劣表見其
誰得而掩哉夫詩之爲道其原本出于文
史之官或遂流于膚淺左僻不能獵風人
之韻而汎文雅之波又何若鮮錯綺麗失
之輕靡者乎若其偶切駢聯固世之所不
能廢者夫人之好有同于予亦未可知也

Large, faint watermark or ghosted text, possibly a library or collection mark, spanning across the gutter and onto the right page.

Small square seal impression in seal script, located in the lower-left corner of the right page. The characters are 北京圖書館藏 (Beijing University Library Collection).

